

ՀՈԴՎԱԾՆԵՐԻ ՀԵՂԻՆԱԿԱՑԻՆ ՕՐԻՆԱԿՆԵՐԻ ՁԵՎԱԿԵՐՊՄԱՆԸ ՆԵՐԿԱՅԱՑՎՈՂ ՊԱՀԱՆՁՆԵՐ

Հոդվածները կարելի է ներկայացնել *հայերեն, ռուսերեն կամ անգլերեն լեզուներով* (3-8 էջի սահմանում):

Էջի ֆորմատը	<i>A 4 (210 x 297 մմ)</i>
Էջի աշխատանքային դաշտը	<i>170x252 մմ</i>
Լուսանցքները	<i>վերևից, աջից և ձախից՝ 20 մմ, ներքևից՝ 25 մմ</i>
Պարբերությունները սկսվում են նոր տողից	<i>10 մմ ներսից</i>
Տառաչափը	<i>11</i>
Տողերի հեռավորությունը	<i>1,35</i>
Տեքստի տառատեսակը	<i>հայերեն՝ Sylfaen ռուսերեն՝ Times New Roman անգլերեն՝ Times New Roman</i>

1. Էջի վերին ձախ անկյունում տրվում է **ՀՏԴ**-ն (<http://teacode.com/online/udc/>)՝ առնվազն վեցանիշ թվով, իսկ աջ անկյունում՝ հոդվածի բնագավառը՝ գլխատառերով, **bold**:
2. Հաջորդ տողում, աջից, հեղինակ(ներ)ի **Անունը, Հայրանունը, Ազգանունը**:
3. Դրանից մեկ տող ներքև, մեջտեղում, հոդվածի **Վերնագիրը**՝ գլխատառերով, 11 տառաչափով, **bold**:
4. Վերնագրից մեկ տող ներքև, շեղատառերով (*Italic*), գրվում է հոդվածի *համառոտագիրը*, մինչև 50-60 բառ ծավալով, և **Առանցքային բառեր** (**Bold, Italic**, 5-6 բառ):
5. Մեկ տող ներքև տպվում է հոդվածի հիմնական տեքստը:
6. Տեքստում կարող են լինել նկարներ, աղյուսակներ, գծագրեր: Նկարները և աղյուսակները տեքստում տեղադրվում են այդ մասին նշում կատարելուց հետո՝ նույն կամ հաջորդ էջում: Նկարները և աղյուսակները պետք է ունենան վերնագիր (10pt, **Bold, Italic**): Մեկական նկար և/կամ աղյուսակ պարունակող հոդվածներում դրանք չեն համարակալվում, իսկ մնացած դեպքերում պարտադիր է դրանց միջանցիկ համարակալումը: Աղյուսակի թվային տվյալները չպետք է կրկնեն հոդվածի գրաֆիկական նյութերը:
7. Հոդվածում հանդիպող ֆիզիկական մեծությունների չափայնությունը ներկայացնել **SI** համակարգով, *Italic*-ով:
8. Բանաձևերը և մաթեմատիկական արտահայտությունները տրվում են Microsoft Equation-ով, *Italic*, 11 տառաչափով: Բանաձևերը ներկայացվում են առանձին տողով, մեջտեղում, իսկ հիմնական բանաձևերը համարակալվում են՝ աջ մասում, փակագծի մեջ:
9. Հոդվածում օգտագործված գրական աղբյուրներն, ըստ օգտագործման հերթականության, պետք է ունենան միջանցիկ համարակալում, և տեքստում նշվեն [1], [2], տեսքով:
10. Կրկնել 2 - 4 կետերը հոդվածի հիմնական տեքստից տարբերվող լեզուներով՝ **հեղինակ(ներ)ը, անվանումը, համառոտագիրը** (аннотация, summary), **Առանցքային բառերը** (**Ключевые слова, Keywords**):
11. Հոդվածի վերջում, երկու տող ներքև նշվում է՝ **Գրականություն** արտահայտությունը և ըստ ընդունված ստանդարտի տրվում է գրականության ցանկը:
12. Ցանկից մեկ տող ներքև տրվում է հոդվածի հեղինակ(ներ)ի մասին տեղեկություններ (հայերեն, անգլերեն և ռուսերեն լեզուներով)՝ **Ա.Ա.Հ., գիտական աստիճան, կոչում, կազմակերպության անվանումը, որտեղ աշխատում է, զբաղեցրած պաշտոնը, հեռախոսահամարները, էլեկտրոնային հասցեն**: Ներքևում տրվում է ներկայացման ամսաթիվը և տարեթիվը:

Ուղեկցող պարտադիր փաստաթղթեր՝

- հոդվածը՝ մեկ օրինակ տպված A4 ֆորմատի թղթի վրա և էլեկտրոնային տարբերակով (հոդվածը՝ *.doc ֆորմատով, նկարները՝ *.jpg, *.jpeg ֆորմատով):